

安陽縣金石錄

安陽縣金石錄卷第三

偃師武虛谷先生著

安陽縣知縣鐵嶺貴 泰校梓

唐

慈潤寺故大靈琛禪師灰身塔銘文

存正書在善應山大唐貞觀三年四月十五日造

禪師俗姓周道諱靈琛初以弱冠出家卽味大品經論後遇  
禪師信行更學當口佛法其性也慈而剛其行也和而潔但  
世間福盡大闇時來年七十有五歲在口口三月六日於慈  
潤寺所結跏端嚴泯然遷化禪師亡日自足冷先頂臙後歇  
經云有此相者尅口生勝處又康存遺囑依經口林血肉施

生求无上道□合成皂白袒教□□含悲傷失送茲山所肌  
膏□□閣維鏤塔翼海竭山灰芳音永嗣乃爲銘曰

逖聽玄風高惟遠量□學莫捨一乘獨暢始震法雷□淪道  
藏示諸滅體□茲奇相器敗身中瞞餘頂□結跏不改神域  
云奄□日既虧羣迷失望非生淨土禪指何向塔頌一首□  
高帶淥水錫塔寫神儀□□□形名留萬古□□□□  
盡乃應虧

案碑載靈琛遇信行禪師更學當□佛法信行卽隋龍興  
寺傳法者也寺在彰德府北關古寺坊東靈琛受教於此  
而奄化在慈潤其云亡日自足冷先頂瞞後欲蓋將死常  
態不足異也

大法師行記

存正書貞觀六年八月建在寶山

弟子海雲集

夫聖生西域影示現於東川教被當口流波蓋於万代故如  
來滅後千年之中廿有四聖人法師口傳法也千年之後次  
有凡夫法師亦傳法也暨大魏太和廿二年口天竺優迦城  
有大法師名勒那麼提口口寶意兼口口乘備照五明求道  
精勤聖賢未簡而悲矜苦海志存傳化遂從彼中口持十地  
論振斯東夏授此土沙口口光禪師其口口口口教授如  
瓶寫水不失一滴其光律師俗姓楊盧奴口口口口弟子名  
振齊魏十有餘人謂口口口口口口口口口口口口師此等十

德皆有別傳若大乘筌旨深會取舍之方秘教隨機洞照卷

□□□有其唯道憑法師之一人也□□□□□□□□□□

□人也□成弟子廿餘人若十地秘論固本垂綱而傳燈□

□□□□□□法師之一人也蓋明法師□□□□□□□□

□□□□□□中□當千年之後之上首也又是光律師之孫

憑法師之□□□□□□□□□□矣法師道諱靈裕□□□□

□□□□□□□□八秋中涉學學且散矣博言從宅巡徧

野望繁霜滿□□□□□□怖□□猛倚樹嘆息拭□□□□

□□□□□□□□□□命也忠情既發留者誰乎不計危亡

專投隱覺於臘月□□□□□□□□□□此日而受出家□

□□□□□□□□□□□□□□穀歲已向周有人言曰此非

佛法矣求仙之念從是□□□□□□□□□□而兼信  
誦□□□□□□□□□□□□□□念□吾當學問於闍  
浮提中作最大法師若□不尔□□□□□□□□□□  
伴難逢脚□□□□□□□□□□□□□□□□□□  
大法師聽十地地持其法師也道諱道□□□□□□□□  
□□□□季在從□□□□□□□□□□□□□□□□之  
威巍巍自任薄有四王之德師於夏日輒患日□□□□  
□□□□□□□□□□□□□□□□□□□□□□□□  
□還向定州而受具戒受已過關復返上原季甘□□□□  
□□□□□□□□□□□□□□□□□□□□□□□□  
□亦訖季廿六從隱律師學於四分其律師也業想清高□



四



信三寶論一卷集食穀雞卵成熟有罪論一卷  
生○成林矣季卅七赴請毛陽隨宜闡說三智獲  
流時遇○德○齊祚麻顏聖駕在運三寶頓懷殘僧驚竄逃  
趣無於有俗弟子將太清○想作十慈頌十志頌寸首作齊  
已消口頌廿七首作觸事申○頌○集滅法記一卷集老集莊紀一卷集  
五兆書一卷集華嚴○華○記一卷集申請書一卷四赴請定州

遂麻燕趙重閣聖轍雖無堂□□□□□□□□□□

□□□□□□□□□□過奉得舍利世尊一粒六返迹名

州於俗弟子廬永□幹過奉得辟□□□□□□□□□□

□□□□□□□□□□集四分戒本疏一卷般若論

疏一卷集破寺報□□卷□奠世□中□□□□□□□□

□□□□□□□□□□世雅頌一卷季七十文皇

帝命入咸陽築杖□□□□往□□□已後還相□□□□□□

□□□□□□□□□□佛法東行譯經法集

上首邨衆法一卷集□□□義記一卷集寒陵山□□□□

□□□□□□□□□□□□□□□□□□□□□□□□

寺哀哉慧曰此時歿矣□□□夜懸□絕矣其志□□□□





□□□□□□□三十有四講說住持如龍處雲雨□□□  
□□□□□□□□□其開闢結內外俱駕八十有□□  
□□□□□□□□哀□哉法雨此時雲滅來世蒼生傳名  
麼

十方佛名 十二部

南无東方善德如來一口諸佛一名脩多羅部此稱本經二  
名祇夜部此稱頌上偈三名和迦口部此稱授部南无東南  
方无憂德如來一切諸佛口稱不頌上偈五名毘閼耶部此  
稱无問自說經六名尸陀耶部此稱回緣經七南无南方旃  
檀德如來一口諸佛部此稱譬喻經八名伊帝口多伽部此  
稱本事經九名閼陀伽部此稱本生經十南无西南方寶施

如來一口諸佛此稱未曾有經十一名阿浮陁達摩隨此稱  
方廣經十二名曇波提舍覬此稱論南无西方无量明如來  
一口諸佛七地諸菩薩僧一種性地一切諸菩薩二解行地  
一切諸菩薩三淨心地一切南无西北方華德如來一切諸  
佛跡地一切諸菩薩五決定地一切諸菩薩六決定行地一  
切諸菩薩七畢竟地口南无北方相德如來一切諸佛攝大  
乘論中諸菩薩緣佛法身七念偈隨屬如來心圓德常無失  
无功用南无東北方三乘行如來一切諸佛衆生大法藥遍  
行无有礙平等利多人一切一切佛智人緣此念又南无上  
方廣衆德如來一切諸佛利依止五喜偈諸佛如來受五喜  
皆由證得自覺故二乘无喜由不證求喜南无下方明德如

來一切諸佛由能無量作事立由法美味欲德成得喜最勝  
无有失諸佛恒見四无盡

案法師行記弟子海雲集殘剝不屬其述法師道諱靈裕

云有集騁疏一卷集菩薩戒本一卷集央掘魔羅疏一卷

集无量壽經疏一卷集温室疏一卷集遺教論疏一卷信

三寶論一卷集食穀雞卵成煞有罪論一卷作十慈頌十

志頌十首作齊已消口頌廿七首集滅法記一卷集老集

症紀一卷集五兆書一卷集中情書一卷集四分戒本疏

一卷般若論疏一卷集破寺報口口卷世雅頌一卷集上

首耶衆法一卷集寒陵山口一卷皆靈裕所撰可見者如

此其爲彼教法唱明不已勤與然新唐書藝文志道家類

不載其一或亦採摭未及也與記內書寒陵山不作蟬掘  
丹鉛餘錄曹子建名都篇胸鯉勝胎蝦寒鯊炙熊膳此舊  
本也五臣妄改作包蠶文選李善注云今之時餉謂之寒  
蓋韓國饌用此法臣鈇論羊淹鷄寒崔駰傳亦有鷄寒曹  
植文寒鷄蒸麇劉熙釋名韓鷄爲正古字韓與寒通也

案釋德殊撰靈裕法師傳云裕所有經律疏義及詩頌雜  
集百餘卷行於當世嘗製寺十誥以法御徒終南釋氏宗  
而奉之卽此碑所記裕諸論著也又稱有弟子曰光寺法  
彌慈潤寺惠休定國寺道昂并曇榮等皆以明律習禪一  
時宗匠各有別傳以載德業今見於海雲所集者此其一  
矣



大智律師塔記

存

案記正書鑄萬佛溝龕側文云慈潤寺故大智口律師灰身貞觀十六年四月廿五日終於山勝所刻石記言大曆貞觀十八年四月十二日於師口後弟子智曼敬造

法琛法師塔記

存

案塔記正書鑄萬佛溝龕側文云慈潤寺故大法琛法師灰身塔大唐永徽元年十二月八日敬造法琛卽靈琛事行詳貞觀三年灰身塔銘文

道雲法師塔記

存

案塔記字徑寸餘正書在萬佛溝龕傍文云慈潤寺道雲  
法師灰身塔大唐永徽二年四月八日敬造字勢近魏齊  
間人

慧登法師塔記

存

案塔記正書鐫萬佛溝龕傍文云光嚴寺故大上坐慧登  
法師灰身塔大唐永徽五年正月二日船船古造字見爾  
雅知唐代里巷人作書猶近古如此

大德禪師塔記

存

案塔記正書鐫萬佛溝龕側文云慈潤寺故大德禪師灰身塔大唐永徽□年二月□日□檀越爲敬造

大唐故處士張君墓誌銘

存正書龍朔元年十月舊藏木版屯袁氏今移縣署

君諱興字文起南陽西鄂人也漢太史衡之胤胄昔靈表西豐留侯建帷幄之筭星移東井常山興締摶之功或師範萬乘照彰圖藉光臨千里煥炳縑紉異動三台識司空之忠列吟謠兩穗表太守之仁明弈葉簪裾蟬聯珪組規矩重疊代有人焉緬究遺編可畧而言矣曾祖瓘魏冀州信都縣令絃歌不奏美化洽於一同鳴琴詎張仁風清於百里祖皮周太僕寺主簿才能幹濟智略強明尋見辟除轉授瀛州河間縣

令父才陷楊州江都縣丞輔弼風規俗流清化贊導名教邑  
致歌謠君胤係高華等琨珪之良劒箕裘纂組若青邱之祥  
鸞義烈因心未資於典籍忠良天縱不假於規模崇有道之  
林宗慕無爲之季耳名利之所不拘榮辱之期混一弓於不  
應羔鴈無移道契虛立性存高尙縱寂寥而賞趣持澹泊而  
怡神志道研精非邀鼎食窮微盡要詎徇輕肥得性琴書吟  
肅烟霞之表時談物義進退木鴈之閒妙欵榮期高符黃綺  
時遊三徑乍撫一絃以道義而爲尊輕蟬冕而非貴探蹟幽  
隱迥邁庄惠之機致遠鈞深遙鉗黃老之趣想秦晉之有匹  
見潘陽之代親遂婚於辰州辰溪縣令漢陽趙微之女幽閑  
婉孌中饋聿脩懿淑溫和母儀庭宇君纂業成勞遇揚雄之

痼疾淫書作瘵遭皇甫之沉疴氣擁膏肓疾纏臙理屬華他而不瘳見扁鵲而無療以貞觀廿二年七月廿七日卒於私第春秋六十有二夫人趙氏卒於永徽四年春秋六十粵以龍朔元年歲次辛酉十月癸亥朔廿三日乙酉合葬於故鄆城西八里禮也面平原背漳浦左帶蕪城右連林麓刊茲玄石紀以清徽勒彼鴻名光斯泉戶庶使青山爲礪表盛德而弥芳碧海成田闡嘉聲而不泯嗚呼哀哉乃爲銘曰

規矩重疊珪璋代映三石表異兩岐興詠人倫揩摸摺紳龜鏡百代逾芳千齡弥覽道合幽玄性符林壑迹齒滄波名流臺閣貴不充諛賤不殞鑊思巧雕龍光逾刻鶴有謂昇堂相期入室帷薄猶空繁華未實徬忽不幸咄嗟已失一棺猶開

万事長畢茗堯龍首巉巖山足露銷草翠風飛樹綠玄門一  
掩寒燈無旭私壤式題貞芳載燭

案誌稱君諱興字文起南陽西鄂人也漢太史衡之胤曾  
据後漢書張平子傳歷官至侍中此誌獨紀其爲太史以  
平子術業最顯於此官故特言之又書張君曾祖瓘魏冀  
州信都縣令魏書地形志冀州領長樂郡有信都縣此志  
稱魏冀州信都縣令舍郡名不著失史例矣誌又言祖皮  
周太僕寺主簿父才隋楊州江都縣丞轉授瀛州河間縣  
令隋書地理志河間郡舊置瀛州江都郡開皇九年改爲  
揚州誌與史合是其三世皆有官位而興獨隱處以終豈  
亦恬於榮利者與然至纂業成勞溢書作瘵又不免有徇

名之累矣誌言與夫人趙氏合葬而題僅稱處士張君金石正例也書虔作虔葉作葉皆避虎與世字使然

馮仁剛塔記

存

案塔記正書鐫萬佛溝佛龕之側文云口清信士馮仁剛灰身塔大唐顯慶二年二月廿七日造蓋以居士從彼教法藏骨者也

劉貴寶造像記

存

案石記正書兩行鐫萬佛溝最下佛洞門左側文云唐相州滏陽縣尉劉貴寶供養乾封二年二月緣當造沉石於

此山記新唐書地理志磁州武德元年以相州之滏陽臨水成安置貞觀元年州廢滏陽成安還隸相州此題當乾封二年滏陽故屬相州也採沉石者疑爲碑材爾杜元凱刻石爲二碑紀其勲績其一沉萬山之下此所云沉石者或指此與

相州刺史許圜師德政碑

佚

寶刻叢編在相州金石錄云無書撰人姓名氏乾封二年立

康少山按圜師安陸人相高宗爲許敬宗所擠唐書本傳云圜師爲敬宗劾免官久之爲相州刺史專以寬治州人



刻石頌美卽謂此也惜碑已亡失不能考當日惠民事迹以補本傳之缺

龍興寺碑

佚

河朔訪古記隋龍興寺碑在彰德路北縣外古寺坊東龍興寺寺前豐碑一通是爲隋龍興寺范陽張庭珪八分書其文則相州刺史越王撰蓋所謂信行禪師傳法碑也案金石錄隋信行禪師碑開皇十四年正月立此又爲其傳法碑据納新所記當元末猶存張庭珪舊唐書本傳李邕所撰碑碣之文必請庭珪八分書之庭珪旣善楷隸甚爲時人所重惜碑毀不見相州刺史越王以傳証之爲越

王貞太宗第八子貞觀十七年轉相州刺史咸亨中復轉  
相州刺史此碑之書旣載張庭珪白與同列當是繼爲相  
州時矣

傅堂仁等造像記

存正書永隆二年九月立在東高穴今移置縣城內

大唐永隆二年歲次辛巳九月丙申朔十日丁未傅堂仁  
傳道遠傅仁高三人合家等上爲七代父母法界衆生敬造  
阿彌陀像一鋪台門供養

案記橫勒佛坐細楷亦端雅惟佛像已碎毀舊在槐陰寺  
寺額入漳河獨此刻石存

大周相州安陽靈泉寺故寺主大德智口師像塔之銘并序

存正書長安三年在萬佛溝西

法師諱朗字口智俗姓王氏其先周靈王子口口口口鄴城  
至也口祖惟祢芬馥稱禪師生口神口口口塵濁率七歲投  
大慈寺主大德起法師口口口誦維經口口至垂十二屬大  
唐太宗口武彞皇帝廣闢度門傾蒙口口口口弱冠口口口  
支依本寺曇源律師習毗口業業口之後又口慈潤寺主大  
德智神論師學口口雲口復進學口摩金剛般若并中觀等  
三經二論口口源流口口敷揚或研精默識加以純之口一  
分口溫於口易象立文方同三絕老莊素問博泛羣口率五  
十口持金剛般若及尊勝咒等各二萬遍文梵音轉口首出  
緇口春秋六十有八夏踰卅口口訖於口安二率六月五日

說還識蓋口大口云逝孰不悲傷門徒大雲寺僧玄皎玄果  
零泉寺僧玄昭玄暉等攀慕慈誨思報莫由遂於州西南六  
十餘里本寺口懸壁山之陽起塔供養輿以三季十月廿五  
口口口永畢塔內便造以弥劫像一鋪圖形奉侍口口事口  
口口以跡宣敬託彫刊乃爲銘曰

子晉之後命氏爲王胤流遠派爰宅真章父功祖德令聞令  
望降生才子玉質金相面樹來白而花肅黃稻口夙被檀口  
早芳經泉折玉戒海浮香迦旃妙教羅華鳴莊嚴壇口頂捨  
筏金剛巧誨巧誦無怠無荒積誠口口口心自疆中宗懸解  
外法通方歌頌特妙唱導尤長以口口口南北宏揚胚胎有  
裕利樂無口執口早口口口口輪脫輻消殿摧口粵有子

尚口師剛披山建口剖石開堂敬口來鑿勒廣君傍身命有  
口供侍無忘安厝既畢銘頌攸彰裨同遵於大道庶共口口  
口常

案銘字庸滯多則天僞製字其云大唐太宗口武曌皇帝  
武上缺字當作文新唐書太宗紀上元元年改謚文武聖  
皇帝是也又云廣闢度門据舊唐書元奘傳貞觀十九年  
歸至京師太宗見之大悅與之談論將梵本六百五十七  
部於宏福寺翻譯仍勅右僕射房元齡太子左庶子許敬  
宗廣召碩學沙門五十餘人相助整比蓋指其事如此  
大唐相州安陽縣大雲寺故大德靈慧法師影塔之銘  
存正書開元五年三月立在萬佛漸

法師諱嘉運字靈慧俗姓劉氏其先帝主漢高祖之苗彭城人也遠祖因宦遂此居□子孫派流於茲不絕遂魏郡人爲大法師□□□生而奇□早懷慕□□修真年十歲遂授慈潤寺□大禪師□□□□□□□廣啟度門□像剃染□本縣□通□□□□□□□□□身知自□□不弔乃□□□□□□□朝夕孜孜遂授河南府雒授記寺翻經□□感茹□□右學解深密法花□王轉女身梵網□□成唯識供□□三性一乘之妙旨□滿達磨之漾宗莫不究盡賴深窮其□與從茲溫古道□□新遂得譽播三川聲聞八水奉勅便留住佛授記子補袞翻經感法師侍者後蒙本州大雲寺牒充律師教授至景雲年中屬國家大弘佛

事廣闢僧方以聖善初成口拓碩德以法師道齊林遠業紹  
口安遂蒙徵召赴都充其大憑歸口者若霧渴仰者如雲三  
二年間得燈無替後爲青口色秦請牒口鄉住大雲寺雖解  
行罔瞻常懷口口口心更投口宗懋法師口口口口提舉  
偏授口口經論章口莫不脩口口雨口身重法不劬勞無所  
稟承無所持饒益闡法口口何口口口已口捨茲穢剝嗚呼  
口口哲人云亡孰不悽感春秋卅有九夏凡二口口七以開  
元四年六月廿六日於汾州平遙縣福聚寺揣拱骸生奄然  
口遷有姪男慈潤寺僧元晞斯乃出遊子心重離宗情口不  
憚艱辛遂涉山途申哀展孝闔毗事畢收骨歸鄉門徒與姪  
同寺僧圓滿等師資義重蔡慕歆殷思出世之因深想入道

之緣厚傍求良匠遠訪丹青遂於州西南五十里零泉寺西  
南懸壁山南面之陽敬想靈儀□爲起塔卽以開元五年歲  
次丁巳三月辛丑朔廿三日癸亥□□舍利塔事莊嚴然理  
因敎發事假□陳□之叙石傳芳不朽乃□□曰

粵有良匠實亦□□紐而拾俗□□□行□□寶築廣堪

環尋師委命□道□□□<sub>缺</sub>□拯物遠謂遷神<sub>其</sub>一<sub>号</sub>□者才

無<sub>缺</sub>唯可則此賢利物善□□□□<sub>缺</sub>□道其宜不忒<sub>其</sub>

粵有□□□<sub>缺</sub>雕鏤上依奇岫下墩零泉□<sub>缺</sub>□□□美希

亦代敬<sub>缺</sub>

案塔銘不載書撰人名氏文字亦少有磨泐其叙靈慧蒙  
本州大雲寺牒充律師敎授至景雲年中屬國家大弘佛



事廣闢僧方以法師道齊林遠業紹口安遂蒙徵召云据  
舊唐書中宗紀景雲二年夏四月庚辰詔以釋典元宗理  
均跡異極人化俗教別功齊自今每緣法事集會僧尼道  
士女冠等宜齊行道集碑所謂大宏佛事者即指此又云  
究盡潁深潁即淵大雲寺牒避世作云

唐故方律師像塔之銘

存正書開元十五年三月立在萬佛溝西

律師諱寶手字立方俗姓王氏其先太原人也後代因官鄴  
京遂宅於斯又爲鄴下人焉師道性天稟法器神資年十三  
就當縣大慈寺投大德度律師口和上誦法花維摩等經年  
廿三口神龍元年恩勅落髮配住龍興寺依口大德悟律師

進受戒品五夏未周備閑持口於是衆所知識允屬光隆法  
侶傾心口任當寺律師十餘年間口口口埋口口身心益靜  
春秋三十有七口口口凡一口口五以開元十年三月一日  
脫形遷識嗚呼大士云逝孰不悲傷門徒立超立秀立英等  
攀慕慈誨遂於靈泉寺懸壁山陽起塔供養塲以開元十五  
年三月一日安厝言因事顯頌以迹宣乃爲銘曰

大士攝生不貪代榮堅法幢兮諷詠業典立章要闡嗟邪教  
兮增善法戒累鄴腐敗摧苦輪兮生必歸滅悲哉傷哲懷哀  
戀兮建塔山陽刊石傳芳口口口口

案銘叙方律師其先太原人後代因官鄴京遂宅於斯鄴  
自曹魏以來號爲鄴都故此云鄴京是也又稱神龍元年

恩勅落髮配住龍興寺唐製綠恩例度僧亦可概見於此

安陽縣金石錄卷第四

偃師武虛谷先生著

安陽縣知縣鐵嶺貴 泰校梓

開元令長新戒

佚

令長新戒曰我求令長保乂下人人之所爲必有所因侵漁  
浸廣賦役不均使夫離散莫保其身徵諸善理寄爾良臣與  
之革故政在惟新調風變俗背僞歸真敦先爲富惠恤於貧  
無大無小以躬以親責躬勤農其惟在勤墨綬行令孰不攸  
遵曷云被之我澤如春

見玉海

通鑑二十四年二月甲寅宴新除縣令於朝堂上作令長

新戒一篇賜天下縣令

集古錄右令長新戒唐開元之治盛矣元宗嘗自擇縣令

一百六十三人賜以丁寧之戒其後天下爲縣者皆以新

戒刻石今猶有存者余之所得者六世人皆忽不以爲貴

也元宗自除內難送致

集本作至

太平世徒以爲英豪之主然

不知其興治之勤用心如此可謂爲政知本末矣然鮮克

有終明智所不免惜哉新戒凡六其一河內其二虞城其

三不知所得之處其四汜水其五穰其六舞陽嘉祐八年

六月十日書

案此在開元時諸縣悉有此刻安陽殆亦例置之故掘補

周太師蜀國公尉遲公祠廟碑

存八分書在縣治北隅尉遲公廟

前華州鄭縣尉閻伯璵叙秘書省校書郎顏真卿銘蔡有

鄰書并陰

有周上柱國蜀國公河南

缺四字據縣志尉遲字

居羅代人

缺二字據縣志也與

魏同祖乃

缺三字據縣志昨嶺濱

因部立

缺三字據縣志家遂維

荒服父俟兜

俟兜

縣志誤作侯兒

尙太祖姊昌樂大公主

史作大長公主

贈太傅長樂郡公秉

操中和率心純嘏無命早世

缺一字據縣志公

七歲而

缺二字據縣志孤天授

缺二字據縣志禮樂

神缺四字據縣志資文武合

乾元昴宿之祉得雲中金陵之氣

稟昌樂胎教之德聞昌樂庭訓之旨觀時俯仰與道周

缺一字據

縣志

大統初仕魏散騎侍郎歷大丞相帳內都督尙魏金明

公主封西

缺一字據縣志都

縣侯毫社未遷天人主饋虞賓載祀茅

土增封四缺四字據縣志年進爵為公轉車騎將軍領侍中尚書僕射珮

倚兼璽劍橫重紋元戎缺一字據縣志載驚端揆允釐十六年拜大

將軍時侯景詐梁蕭紀缺二字據縣志叛蜀委公以上國之缺三字據縣志甲靖

偏方之盜假公以垂天之翼虞殷中之翰公缺一字據縣志於是承

廟算出銳師張我軍三覆之勢踵敵人七擒缺四字據縣志之跡霄加庸

蜀城缺一字據縣志守皆降缺一字據縣志詔公兼益梁缺二字據縣志等十八州諸

軍事益州刺史公孝思不匱色養有違長公主春秋既高西

南夷威襄允治自家刑國重荷溫清之詔缺二字據縣志飲至書缺二字據

縣志頌袞冕之錫旌其伐也改寧蜀郡公中領軍綱弟因兄

寵安固公順子策父勲豈獨長安置郊勞缺一字據縣志之禮成都

刊德缺三字據縣志政之頌周之興也授小宗伯督隴右十二州后稷

仕虞且尊君命伊尹去夏未虧臣節陶唐之美無易至公進

公

缺一字據縣志蜀

國公邑萬戶

缺三字據縣志總秦渭

文康十四州軍事累

遷大司馬册太師加上柱國師傅之地非賢不居軍國之重

唯士

缺一字據縣志是

寄俄拜大右弼

缺二字據縣志又拜

大前疑將付俾

傳志

缺傳

皇晏駕周鼎方移晉京上流非無陶侃魏庭舊史尚有

王陵是年京師將徵公公以隋公

缺三字據縣志當權辭

不受代乃自

稱大總管承制署官司諸呂擅朝幾亡劉氏新都納女竟覆

漢宗公子魏安公沁東之敗也公綠巾尙

缺二字據縣志整猶

背城請

戰黃龍既潰則登樓自裁公匪圖全誓將死難不憚征繕以

勸事君恒畢心而禦侮因見危而授命嗚乎壽在黃髮位爲

元輔生不敢齒歿有疑年史之闕文從古也公凡事二代易



九朝內設官兩歷職二十四外建缺一字據伯撫封缺二字據縣志

十六缺二字據邑缺四字據縣志六從封忠不辱隋節能奉上唯幼孫獲

宥而門子從辜辜縣志唐武德中朝制改墓飾終追舊缺六字據

縣志國禮表墓缺二字據天澤流於異世開元丁丑歲上選

建衆哲輯寧庶邦相州縣志缺刺史張公嘉祐先相國河東

缺七字據縣志恭時缺一字據廟瑚璉立朝則

兼掌巡徵佐郡則預參師律至於是邦也教以肅政以清忠

貞之廟制享獻缺十一字據縣志之祀稱多崇公曰匹夫匹

婦強死者猶能爲厲况蜀國公言足昭行可則大象之際獨爲

純臣毀缺十三字據縣志家紆國孚於前缺二字據千石既

荷重祿闕脩殷薦其取戾也宜哉我是用發私藏之俸則崇

崇石刻宮壯構轉缺十一字據縣志他山不遷缺三字據縣志  
作喜之石則豐碑頌成陵谷志不載洪

烈其辭曰

天臨有周誕赫元輔屏內藩外經文緯武隱若長城闕如鳩

虎功縣日月聲蓋

缺十一字據縣志  
錫舅之國若親是輔統

蜀制梁督隴蒞茲

天命假易姦臣不祗憑依女德陵滅京師我圖匡救三方奮

糾糾巾

缺十三字據縣志  
始繁黃龍失字精貫天地義伏羣

勳節著城全死而不朽皇

唐御歷景命有融賜謙收羣慝烈昭忠鄴有賢守是為張

缺十

二字據縣志  
公馨香明德乃建闕宮乃建闕

宮闕宮有仙乃建豐碑豐碑有則妖

孽遂止幽明載色載穀無虧享祀不貳

開元

缺

廣川書跋尉遲迴碑成伯瑱撰世以蔡有鄰書特貴其叙

迴事與周史略同然迴之死節不得顯方周之興迴已爲蜀國公矣逮魏之亡一宗伯且受命舊國舊都望之無假於懷不翅傳舍一日去之矣隋公總政天下之勢可以知也迴則不受而承制起師以興復爲任其事則有疑也豈以地居嫌疑勢窮畏迫自度不能容於隋而發哉則冤憤鬱結不得其死宜其出靈響以自見不得如口伯璵口口也唐說自迴之死而相州都督死者前後相繼張嘉祐既治事夜整冠危坐有自西廡出者曰余後周尉遲迴也死於此遺骸尙存願得畢葬前牧守者膽氣薄劣驚悸而逝非所害也又指其女子曰同瘞於此明日嘉祐發掘得之備衣衾棺槨禮而葬焉既夕出謝曰余無他能願畢公之

政節宣水旱唯所命嘉祐以事聞上請置廟歲時血食有  
詔褒異今考周紀韋孝寬既平鄴城則移相州守安陽至  
於碑則謂武德中朝制改葬逮開元丁丑張嘉祐問俗郡  
言多崇公曰蜀國公獨爲純臣閔修殷薦其取戾也宜哉  
觀此自是武德改葬至嘉祐則廟而祀之矣亦不因詔而  
行也與尙書故實政戾謂神之休福則得之其謂遺骸西  
廡詔爲廟容改葬於開元歲皆誤也

金石續錄唐尉遲迴廟碑在彰德城西北隅尉遲迴廟中  
成伯璵撰蔡有鄰書此碑見廣川書跋而都元敬楊用修  
趙子涵皆不之及土人云近歲縣丞某重修廟掘地得之  
或明季埋沒地中乎有鄰濟陽人張懷瓘謂衛中多其遺

蹟今所存諸碑大都在河朔間也石經讀崔譚龜詩諸碑  
歐公盛稱之而董道不之及豈董時已不存與

中州金石記尉遲迴廟碑開元二十六年正月立閻伯璵  
撰序顏真卿撰銘蔡有鄰隸書在安陽迴周書有傳碑記  
迴官較詳有云大統初仕魏散騎侍郎歷大丞相帳內都  
督尙魏金明公主封西口縣侯轉車騎將軍領侍中尙書  
僕射十六年拜大將軍兼益梁等十八州諸軍事益州刺  
史改寧蜀郡公周之興也督隴右十二州進公開國公食  
邑萬戶捻秦口文康十四州軍事累遷大司馬冊大師加  
上柱國俄拜大右弼口口大前疑授相州總管本傳云稍  
遷大丞相帳內都督累遷尙書左僕射兼領軍將軍後拜

太將軍又云乃令迥督開封又云詔迥爲大都督益潼等  
十八州諸軍事益州刺史孝閔踐祚進位柱國大將軍封  
寧蜀公進蜀公爵邑萬戶宣帝卽位以迥爲大前疑出爲  
相州總管與史稍異可以參考碑又云唐武德中朝制改  
葬口終追舊本傳云武德中迥從孫庫部員外郎耆福上  
表請改葬朝議以迥忠於周室有詔許之卽其事也下述  
開元丁丑歲相州刺史張公嘉祐立廟之事有口稱多崇  
字多剝蝕廣川書跋載其碑又引唐世說自迥之死而  
相州都督死者前後相繼張嘉祐旣治事夜整冠危坐有  
自西廡出者曰余後周尉遲迥也死於此遺骸尙存願得  
畢葬前牧守者膽薄氣劣驚悸而逝非所害也又指其女

子曰同瘞於此明日嘉祐發掘得之備衣衾棺器禮而葬焉既久出謝曰余無他能願畢公之政節宣水旱唯所命嘉祐以事聞上請置廟歲時血食有詔褒畢事見尚書故實今按之本傳及碑迴之改葬在武德時以從孫耆福表請則非嘉祐改葬明也後人特因此碑多崇之說從而附會成之亦可見唐人小說類皆造作事端非其實矣蔡有鄰者卽杜甫李潮八分小篆歌所稱尚書韓擇木騎曹蔡有鄰也廣川書跋又稱此碑當與瀋郡石經相繼信不虛美金石略有蔡有鄰八分書尉遲公廟碑并碑陰未詳又有顏真卿周太師蜀國尉遲公廟碑云右相州蓋誤以撰銘爲書碑也

案碑題銜前華州鄭縣尉閻伯璵叙秘書省校書郎顏真卿銘蔡有鄰書并陰考伯璵序魯公爲銘是一文以二人兼爲之唐賢多此體惟魯公署秘書省校書郎新舊唐書本傳皆未及是爲失紀矣碑云蜀國公河南尉遲迴字居羅代人也河南舉其郡望蓋太和十九年詔遷洛人死塋河南不得還北於是代人南遷者悉爲河南洛陽人碑所皆是也碑書迴歷官大統初仕魏散騎侍郎歷大丞相帳內都督北史不著其官周書亦脫散騎侍郎碑云封西都縣侯北史不書縣字周書亦脫此封爵碑云進爵爲公轉車騎將軍領侍中尚書僕射北史周書並云遷尚書左僕射兼領軍將軍碑云公兼益梁十八州諸軍事益州刺史



周書作益潼十八州北史亦作益潼惟云十二州三年加督六州通前十八州則督十八州非平蜀一年事碑與周書不如北史之審碑云周之興也授小宗伯督隴右十二州進蜀國公總秦渭文康十四州軍事累遷大司馬周書全畧此文北史作六官初建拜小宗伯與碑言周之興也授小宗伯同及孝閔帝踐祚遷大司馬尋以本官鎮隴右是由遷大司馬出鎮非小宗伯矣碑蓋依北史而參用他書傳故微有異余脩錄之以俟考焉碑稱中領軍綱弟因兄寵綱見北史廢帝立齊王仍以綱爲中領軍故碑亦稱之

案河朔訪古記尉遲公廟碑彰德路城中書錦坊後周太

師蜀國公尉遲迥之廟在焉迥爲周將征伐有功初滅北齊以迥爲相州總管至隋文帝以計徵迥欲圖之迥廼率諸州舉兵數十萬及爲楊素韋孝寬高穎等師所敗遂上樓自殺至唐開元中州多怪厲刺史至輒死吏民疑懼於是刺史張嘉祐以迥死國難忠臣也爲立祠以祀之後刺史吳克復加以冕服初嘉祐之建祠也顏真卿爲記其事紫有鄰書之碑陰紀迥靈異之事言雨暘隨禱輒應回風驅蝗伏境內無害每至秋夜有雙鶴下集廟庭郡人至今稱以爲異云唐張嘉祐未璟皆刺相州有惠政今並配食廟庭据是納新所口驗尙以二公從祀及廟毀改建二公廢焉不享予新葺廟成敬署木主置與尉遲君同室異龕

所以同於有其舉之莫敢廢也

周太師蜀公碑陰記

存八分書在縣治西北隅尉遲公廟開元二十六年二月

元孫士良述

在周之宣帝錫我先祖蜀公命曰附海至衛實齊之封胙爾  
太師以守茲土况大□□□□幼冲豈撫寧□人將社稷  
是衛且受遺旨震悼於厥心誓當仗順四征遂荒區外俾君  
三古□□□□□□篤瘞大盜□國幽孺子以矯制陷純臣  
□□□□於是不克有成始懼隕墜枕干□□□□□□  
□□□師方結征東之陣□武賁少却待螽起未行天假盾  
淫既合而北志懸魏關身□□□□□□□□□□而飛

白羽救兵路斷上下七旬謂姪成平郡公勤曰汝親當矢石  
吾□□□□□□□□□□□□□□□□周命若之何其奮劔  
大呼止之不及而□三軍慟哭夷夏慕之荀息縊死□奉君  
傳□□□□□□□□□□□□□□□□泊有唐撥亂反正崇德□功□  
□□恩之封吏優賄贈之禮以稱教甫沒弋壘□□□□□  
□□□□□若名臣試□粵天下師通禮樂以布和撫幽明以  
靖厲歷典凡百獨惟張公曰嘉祐相國河□□□□□□也  
汾吐金景繼生雲氣不然豈光贊紫文俾五星同□□宣丹  
禁而三柱克□□□□□□□□□□□□於□代由是殿中受  
畧鄴下分憂俗隱咸柔政□必舉我先王勤君死難□□□  
□□□□□□□□□□直書副□□之誠請軒綴斯翼庭植有幽

嚴惟肖赫靈肅應虔而麗福膺夏正□□□□□□□□  
□□羞告期旁□焚蕭而片雲飛蓋整策而沛澤隨車霽後  
宵初天清月滿忽有雙鶴□□□□□□□□□□而去公  
之族有侍御史環賦膏雨美其事鄴縣主簿郭坦以爲鶴有  
□□聞天□□□□□□□□□□□□□□既而秋霖昏作將害  
桑盛公祈以巫應時晴朗飛蝗自魏蔽日而西□祝之誠□  
□□□□□□□□□□□□□□焉故嘉種□茂歲則大熟百姓歌  
曰張公張公清且明蝗蟲避境□□□正晴□雨□□□□  
□□□□□□清公每見□疹不常吐俗忤政深閤引咎而異  
□銷京兆理劇之能□□□□□□□□□□□□□□□□  
乃知志以系性性正而神不違忠以奉法法一而人不犯神

人從天地當此其□□□□□□□□□□又投虛淪鑿  
□著於述職奇士傳其詳士良忝沐家聲徒知祖德□詞□  
□□□□□□□□□□□□紀諸貞石

中州金石記碑陰爲迴族孫士良述張嘉祐德政之美意  
感其立廟爲著於碑耳亦蔡有鄰書

案額趙州太師蜀公碑陰記開元二十六年二月二十五  
日元孫士良述舊唐書張嘉祐傳爲蜀公立廟在二十五  
年碑陽亦云開元丁丑歲此獨多差一年蓋據立石之時  
書之不與立碑同歲也記又言在周之宣帝錫我先祖蜀  
公命曰附海至衛實齊之封昨爾太師以守茲土况大□  
□□□□幼冲豈撫寧□人將社稷是衛且受遺旨震悼

於厥心誓當仗順四征遂荒區外云蓋宣帝既崩迺實受

遺命以徇國難士良必嘗錄之家牒故具以云然碑又言

救兵路斷上下七旬謂姪成平郡公勤曰汝親當矢石云

奮劍大呼止之不及而口三軍慟哭夷夏慕之此紀迺自

殺之實兼有勗厲成平之語傳皆未之及成平郡公迺弟

子大將軍成平郡公勤時爲青州總管後敗更走青州未

至開封郭衍追及之隋文帝以勤初有誠款將釋之卽其

人傳言六十八日碑言七旬舉成數言之碑亦蔡有鄰八

分書書史會要有鄰邕十八代孫官主右衛率府兵曹參

軍工八分書書法勁險昔歐陽文忠云唐世能名八分者

四家韓擇木史維則世傳頗多而李潮及有鄰特爲難得

今北碑兩面皆有鄴書又不甚磨滅故益可寶也

案河朔訪古記彰德路城中畫錦坊後周太師蜀國公尉遲迴之廟在焉据畫錦坊在府治東南而尉遲廟在今治城西北隅鄴乘蓋已載之莫詳其移建所自證以此記知元至正間廟猶未改記又載雨暘隨禱輒應回風驅蝗境內無害每至秋夜有雙鶴下集廟庭郡人至今稱以爲異與今碑殘滅處互証其文具見

堯城令王進思去思祠記

存八分書無年代在縣東永和鎮今移置河灘寺

朝散郎前尉韓邠卿撰

前右監門田景先書



安陽縣董乾福鐫此碣

缺涵活之永圖張皇綱之不紊以致用也則精義入神以崇

德也則虛明應物易所謂賢人之缺爽何遠遺愛結於嚴祠

疇能弘之我王公其人也口諱進思字令懷本太原祁人也

今爲洛陽人缺宗納誨輔口錫命口於殿口忠臣向蜀叱馭

康人口口來朝飛鳧宰縣榮功寵問莫與京矣會祖缺夫京

兆府長安縣令祖敬摩河南府虞曹叅軍口新豐縣令口口

都督府司馬父立鐸朝散大夫缺戰穀允迪天休珠玉揚華

風儀乃孤操夷甫豪邪口魄介直爲獨坐冀方劇務雄資聿

熙帝載傳缺氣自逸童心不萌讀盡國書口物居儉履

約口仁親良朋遊田口言語宰我韞和璞以潤德服缺飛於

鴻盤年十八宿衛附學明經擢第授潞州潞城縣尉以才敏

功□□知訓廼清節激世韶風和缺李傑奏公清勤守職明

閑案牘又云解褐從政清□可稱夫□績甄庸旌懿哀德式

謀多政允答爾缺貞不吐劉姦無囷俗非假子皮之面自見

□□之心故使臣畢構奏云清勤守職持法詳密庭閑野缺

復調爲太常寺大樂丞自季札聽歌仲尼匡雅窮微通妙吾

盡之矣又憲臺奏公卑以自牧清能厲缺朔以展瑞璋耶告

成神岳天顏咫尺臨邊豆有楚吉蠲地產物以脩於禮容觀盥

祭獻事必專於公缺柱國公靡江緇磷翔集□□亢宣炯誠

大庇生靈扣虛懷以納來息鞭刑而得衆□□□率以謹

缺□□禮讓殄削矯虔丕變鄙俗人安相謂曰寧謂刑罰所

加不□王君所短則古□□□□以過也缺遵夫簡書服勤

遐方彼月則還馨善侍夕我心曷□銜恤庭闈卧病公宣□

休□□□□□□雖公缺恭誨言坦蕩吉祥登壽堂而樂只

穆慈訓以利政書云孝乎惟孝是亦爲政則□□□□□

□□缺庖色喪形羸崇朝不保者十四五矣公隱心哀危菲

躬厚物均俸賙餽脫裳衣寒□□□□□□缺赫曦之月

值搖落之秋撈木卧郊敗苗盡野公碩德屈遠至誠通玄獨

祐我疆無殺□□□□□娛缺浥土風剽悍是剝是殖□□

勉力侯梅侯栗伐□絕甘公率格惠功勸沮藝植鑿井□□

□□□瓜缺以兼適饌之滋生易荐飢之色智也頃大雨災

人河朔無稔郡邑宛艱黎元阻饑異縣賑餼□□遐濶缺翁

包糗食路進舟梁河不買餐以資留濟餓肌而口度明也有

涉夏□□自春歷請倬雲彼漢杲杲出缺訴神靈應大孚甘

液沓灑洽潤槁物□安危心惠也有剗洫□城□□力家

急日饋人疲□□公考缺□不來服栗知禮當也公恪居之

取寡詞自牧交匪□下功□□□□賢良囹圄草木恩且

□□愷缺啜泣卧轍行號攀轅啟啟閔闕亦何勝言也合縣

□有□人□□□□曰王公春秋鼎盛太夫人景福缺□蚊

愉戔戔堂親開誘名訓粲粲門子宜揚吏□徇□□以立□

□□□□翰求□□人蓋闕如缺□能遽移勞於邑令使

我禮樂返魯□□罷春吾侯不□□曷怙□□□□□魄

□□□飭材構缺而薦之祝而祠之則士女不回聿求多福

子孫願若□□□□天□□□□豐□□□□神明如  
缺缺十四日建□□伯鸞廟

案碑斷截失其上半文句多不屬予錄其可紀者前列朝  
散郎前尉韓邪卿撰前右監門田景先書碑云王公進思  
字令懷本太原和人也今爲洛陽人祖敬摩河南府虞曹  
叅軍新豐縣令□□都督府司馬父元鐸朝散大夫缺又  
云年十八宿衛附學明經擢第授潞州潞城縣尉李傑奏  
云清勤守職明閑案牘又云解褐從政清□可稱又言故  
使臣畢構奏云清勤守職持法詳密復調爲太常寺太樂  
丞又憲臺奏公卑以自牧清能勵□後又載公隱心哀危  
菲躬厚物均俸賜餼脫裳衣寒□赫曦之月值擇落之秋

拔木卧郊敗苗盡野公碩德屈遠至誠通元獨祐我疆下

又言邑土風剽悍是剝是菹口口勉力侯梅侯栗又言大

雨災人河朔無稔及包糗食路造舟梁河云又言靈應

大孚甘液云蓋述其服官之勤恤災弭患至於誠

應如神而民潸泣臥轍行號攀轅口而薦之祝而祠之是

君爲令其實可紀如此碑旣前載遺愛結於嚴祠後又稱

移勞於邑令故知爲司是土者作去思祠也碑出於永和

鎮唐堯城廢縣卽在此故定以爲堯城令祠記王君始由

李傑所薦繼又爲畢構列於奏牘二公非阿比所好故益

以知君爲賢且才也舊唐書傑本傳神龍初累遷衛尉少

卿爲河東道巡察黜陟使奏課爲諸使之最王君任潞城

縣尉正屬河東道宜傑得以薦舉其人也若稱故使臣畢  
構構卒在開元四年此碑更後於四年矣碑前引書云孝  
乎惟孝是亦爲政据何晏集解引漢包咸經孝乎惟孝友  
于兄弟漢石經論諸殘字亦作孝乎惟孝友於兄弟晉書  
夏侯湛昆弟誥古人有言孝乎惟孝友于兄弟潘岳間居  
賦序孝乎惟孝友于兄弟則知漢晉以來授讀相傳之自  
其見於此碑尤爲較明故類記之以語承學爲離經之要  
也

案碑側題太平興國三年三月四日缺庶侵遂口口別置  
龜後有知事史錄事史及王明賀義諸人名當爲同時置  
石趺者也鄉人喜事猶知護惜古碑刻以較今之輕施碑

磨埋滅古人者何啻去而霄壤也哉縣吏添仕麟訪得之  
募人輦置河灘寺

張嘉祐紀德碑

佚

張嘉祐墓誌銘除相州刺史口人心訛鄴守氣嚴公載仗  
忠信政若神明煩苛止除廢典咸秩特降璽書賜紫金魚  
袋入計遷左金吾將軍州人思之刻石紀德

案尉遲公祠廟碑相州刺史張公嘉祐先相國河東公之  
介弟作時膏雨爲廟瑚璉立朝則兼掌巡徼佐郡則預參  
師律至於是邦也教以肅政以清云又尉遲士良記碑陰  
亦言焚肅而片雲飛蓋整策而沛澤隨車又秋霖昏作將



害染盛公祈以巫應時晴助飛蝗自魏蔽日而西口祝之  
誠嘉種口茂歲則大熟百姓歌曰張公張公清且明蝗蟲  
避境口口口又毗俗忤政閉閣引咎而異自銷蓋其惠績  
可紀宜爲吏民所稱道然本傳畧而不載史文之疎脫類  
如此

唐故靈泉寺元林禪師神道碑并序

存行書在善應山天寶八載二月

監察御史陸長源撰

法本無生之謂真心因不染之謂寂執有求真之謂著體真  
歸寂之謂如非夫善發惠源深窮定窟何足以大明觀行獨  
秉禪定使定惠兼脩空有俱遣道流東夏聖齊北山哉禪師

諱元林堯城人也俗姓路氏黃帝之後封於路國因而爲氏  
捕虜將軍端見爲後燕錄諫州刺史永出晉中興書遇種於  
人嗣有明德禪師襟靈爽岸神氣雋遠生而克歧弱不好弄  
初遊神書府精意儒術觀百氏之奧窮九流之源平叔之疑  
義兩存康成之未詳多闕莫不窮蹟至妙剖析元理渙若冰  
釋朗然雲開至如枝拒蹶張步騎彈射人則曠劫藝皆絕倫  
後讀阿毗曇藏遂發心入道依龍興寺解律師學業依年受  
具於居靈泉佛寺掘衣之歲惠遠卽風雅書生落髮之年道  
融乃聰明釋子以戒爲行本經是佛緣雅閑持犯克傳秘密  
學者號爲律虎時人因爲義龍推步渾儀昭明曆象天竺跋  
陀之妙沙門法願之能道契生知理符神授旣習空觀遂得

真如身常出塵心則離念將在此以超彼不自利以利他不  
來相而來不見相而見梵天香以崇發宏願鳴法鼓以召集  
有緣聲振兩河教被丁里樹林水鳥竹簞稻麻願結道緣爭  
味禪悅雖先生槐市夫子杏壇攝齊之徒未足爲喻於是廣  
度羣有大庇庶情應悟攝心隨分獲益大雲含潤草木無幽  
而不芳明鏡懸空妍蚩有形而各兆嘗至城邑因過巷肆屠  
說停刀酒趙釋尊擁路作禮望塵瞻顏師必欵曲以情悅可  
其意捨資財以攝其利言力役以勤其生漸去客塵令入佛  
智有苛吏敗俗蠹政虐人伏以剛強示之簡易見方便力去  
貢高心破其重昏歸以實相夫學偏者量褊道廣者業宏禪  
師智括有情德通無礙體含虛韻性有異能妙窮音律雅好

圖書奉長公瑾別有新聲凱之僧繇皆德真跡以是好事君子翕然向風擅爲施心居無長物有流離道路羈旅風霜鄉隔山川親無強近饑者推之以食寒者解之以衣人中之急難法中之慈濟也景龍三年勅追與僧元散同爲翻譯大德累表懇請詔許還山禪師自居此寺凡六十年或宴坐林中累日忘返或經行巖下踰月不還跡異人間行標物表每遊峯還勝建塔崇功鸞若飛來鴈如踊出宮雉杖標之所得自神人破馬移燈之處傳諸耆老今山上數十處有宰堵波者卽其事也自金人入夢白馬負來譯音議於天竺布文字於寰宇是爲教本實曰道因禪師遍寫藏經以導學者德實無量行非有涯不惟摠持辯才禪定智慧而已故騰聲洛下獨

步鄴中齊達叡之大名繼獨融之遐躅噫日月大地咸歸有  
盡之源河海高山不出無常之境天寶五載十二月十日因  
閤僧務請至德里迴首西方端坐如定不疾而化春秋九十  
餘僧臘七十一日黑震驚車徒奔集雷慟雨泣隘谷填山粵  
以其月十七日遷靈坐於本寺禪師真身忽然流汗是知因  
生有滅乃現真空示聖出凡獨標靈相以八載二月十五日  
即身塔於寺之西北隅以安神也其夜霜霰霑凝山川草木  
皓然如素東帶雲門西連磻谷一佛二佛前身後身接林嶺  
之風烟成鄴衛之松柏禪師洞合神契妙通法源義則解空  
智能藏往先是寺中新植衆菓弱未成林悉令沙彌扶之以  
仗其夜大雪折樹摧枯唯時小枝不動如故師之冥感多此

類也門人等味道通經連州跨境歸宗雖信入法蓋稱三千  
門徒皆傳經於闕里四百弟子空問道於襄陽弟子大通親  
奉音塵常陪庭院承宮之歲初執勞以求師智稱之年載弃  
俗而從道調九候以除五疾明六度以伏四魔感自舊恩錄  
憑故事龕塔山古霜露歲深虎溪爲陵高蹤不亡於別傳龍  
山若礪盛德常存乎此詞其銘曰

孰有非有觀相非相曰離諸妄得法捨法悟空非空是出羣  
家曰景常朗雲藏其耀無雲自照佛性常在欲生其塵無欲  
爲真無相捨有出空離法大師去業親日除雲無欲歸佛大  
師密秘茫茫羣有溺於中流濟之以舟冉冉八苦沒於五濁  
導之以覺因心發惠惠契於定道澄其性憑緣有生生歸於

無理不存軀恒沙一切藏舟閣水真身去矣連崗萬古雲門  
靈泉飛塔歸然

右碑無書人名氏其字勢勁拔類李北海凡正背兩面皆  
完好初墜土中募役夫出之前列監察御史陸長源撰長  
源舊唐書本傳乾元中陷河北諸賊因佐昭義軍新唐書  
亦云始辟昭義薛嵩幕府蓋長源於此時從薛嵩故得在  
相州撰是文而新舊兩史皆不著爲監察御史是於佐幕  
之職從畧矣碑載元林禪師堯城人俗姓路氏依龍興寺  
解律師學業居靈泉佛寺景龍三年勅與元散同爲翻譯  
大德果表懇請詔許還山云龍興寺見河朔訪古記彰德  
路北關外古寺坊東龍興寺寺前豐碑一通是爲隋龍興

寺也又云齊達叡之大名繼稠融之遐嗣稠卽稠禪師太平御覽引談藪曰北齊高祖多殺戮有稠禪師者以業行著稱碑所載卽指其人新唐書藝文志有稠禪師傳一卷其爲當時信奉著稱於人如此

古壘碑

佚

河朔訪古記湯陰縣北十里有古壘南北斜長五里父老云唐九節度師營壘也壘東北有萬人塚卽九節度潰兵之遺骸乃節度使薛嵩掩骨作此大塚命幕府御史陸長源撰記刻碑立塚上云

案舊唐書薛嵩本傳嵩爲賊守相州聞賊朝義兵潰王師



至嵩惶惑迎拜於懷恩馬前懷恩釋之令守舊職云詔遂以嵩爲相州刺史充相衛洛邢等州節度觀察使嵩感恩奉職數年間管內粗理觀此記收骸掩骨亦其治跡之一矣命幕府御史陸長源撰記長源始辟昭義薛嵩幕府故記云然但以古壘湯陰縣北十里者誤也

### 題靈泉寺

存正書皇唐八葉大歷六年歲次辛亥夏四月旬有五日  
在善應山

竹園無外事秘殿久陰生雲起靈峯隱風來寶鐸鳴焚香流

玉戶聽鳥度金盤靜心歸止法方此謝塵纓

高平徐源  
字太初

梵宇栖真所寥寥世事稀老僧被百納童子學三歸寶刹臨

香地星宮隱翠微誰憐漂泊者於此迷忘機

東海徐淮字黃河

煙景盡冥冥樓臺隱翠屏猿攀太子樹鳥聽法王經悟理心

無著求緣塔有靈迴車猶未遠日暮數峯青

廣平程序字古倫

物外經行處雲峯斷復連散花飛講席輕翠澹爐煙稽首求

真偈觀空息衆緣有時聞法鼓應是會諸天

高平徐泳字太和

案詩共刻一石音律最詳雅採全唐詩未及採錄宜以此

補之前題皇唐八葉自高祖至代宗數之刪殛帝不書也

葉避太宗諱作葉易中世字爲云

### 禹璜題名記

案題記正書自左起在靈泉寺佛殿前西塔文云圃人禹

璜以咸通八年五月自宗城拜安陽是月十八日較夏租

面寶山之崔嵬稅車半日捫蘿環澗力拉危峯矚盟津於  
前眎常山於後左揖泰嶽右俯砥莘流情肆目獨暢其巔  
雖乘查之問霄漢八壺而觀太虛未必多此十九日紀從  
者鐵兒阿用十四唐書食貨志德宗相楊炎作兩稅法夏  
輸無過六月秋輸無過十一月此稱較夏租猶秉兩稅定  
法也自宗城拜安陽不著其爲某官疑當爲丞尉之屬書  
法最精卓

禹璜再題記

案題記行書自左起於前題各爲一石連砌塔上文云明  
年夏五月廿八日又播麥租再遊寺頗息塵思禹璜記  
據八年已稱較夏租此題又言播麥租徵求之役官爲之

身督言之實有痴心矣

靈泉寺塔背題記

案題記正書凡三行鐫寺大佛殿前西塔背面第一行題  
咸通九年弟子高惠顯故記二行天祐元年五月十五日  
記三行題大宋宣下缺寶山靈泉寺宣下缺當是宣和年  
號也

鄭僮題名記

案題記自左起行書附禹璜再題之後文云鄭僮後年復  
來寂無人烟登山焚香而返又一行大書徑寸餘在題石  
前題縣令鄭僮四字另行書端半日三字後年當指咸通  
十年己丑也此題令者卽安陽令舊志皆未訪及

七言不全詩句石刻

案禹璜題名上有不全詩句第一行存往字二行存石字存山字三行存一瓶寒水背書囊七字另行存七言字蓋爲後人磨治書類歐陽率更亦唐人佳刻也

後梁

張筠墓舍利記

存正書貞明二年正月在喬子巷許家

陽面

宣徽院使權知昭德軍節度觀察留後光祿大夫檢校司徒守左武口上將軍兼御史大夫上柱國清河郡開國侯食邑壹阡戶張筠

貞明二年正月一日墓舍利記

陰面

相州淨空院主尼惠梧兼知功德主勾當僧法超

造塔口料雷神佐

石匠口遇知俊

寫字王嗣

案張筠五代史有傳云爲四鎮客將長直軍使累拜宣徽使梁末帝分相瀘衛爲昭德軍以筠爲節度使由是魏博軍叛附於晉晉王攻相州筠棄城走据此記稱宣徽院使權知昭德軍節度觀察留後卽其職也然記在貞明二年正月所書權知留後于時猶未正使職是當元年三月初

置軍額筠殆爲權官而傳卽書爲節度使疑未審悉其實  
筠有階勳爵封兼官如記稱光祿大夫檢校司徒守左武  
口上將軍兼御史大夫上柱國清河郡開國侯食邑一千  
戶傳亦不及蓋從畧也筠於梁亡後事唐攘財自豐無可  
紀述今觀其營堦舍利亦足驗貪痴胚胎於此矣

後周

顯德採石記

案記正書一行鐫萬佛溝末層大佛洞左側首鐫一佛字  
大二寸下鐫蓮花最下鐫相州彰德軍顯德元年十二月  
採石記攷彰德軍始置於晉五代會要梁貞明元年三月  
魏博節度使楊師厚薨乃割相州建節尋軍亂以地歸後

唐莊宗却爲屬郡隸魏州至天福三年十月復升爲彰德軍節度以澶衛二州隸之自後漢周並同故此題顯德元年猶稱彰德軍也